

采芳隨筆卷四

北平查 彬伯堃輯

芍藥麗品也廣雅曰孳夷一名餘容一名鉗一名犁食一名將離一名可離一名婪尾春一名黑牽夷本草一名白茱一名解倉芍藥猶綽約也又名沒骨花又名白犬俗呼小牡丹通志草木畧芍藥著於三代風雅所流詠也牡丹初無名依芍藥得名故其初曰木芍藥亦如木芙蓉之依芙蓉也牡丹晚出唐始有聞貴遊競趨遂使芍藥為落譜衰宗云張翊花經三品七命芍藥為首曾端伯呼為艷友十二客圖稱為近容三柳軒雜識呼為

嬌客羅江東呼為近侍楊誠齋呼為花相又號餘客瓶

史芍藥以罌粟蜀葵為婢韓魏公在廣陵有金帶圍東

坡在東武有玉盤孟魏泰東有腰金紫李賢名文淵閣

芍藥三本曰醉仙顏淡紅也玉帶白純白也宮錦紅深

紅也劉攽作譜列三十一種王觀作譜列三十四種孔

武仲作譜列三十三種吳曾作譜亦列三十三種王通

與作譜列三十九種羣芳譜載黃者七種御衣黃黃花之冠

宜升絕品黃樓子甚香袁黃冠子硃石黃冠子鮑黃冠子道妝

成妬鵲黃即黃絲頭紅者二十二種冠羣芳即旋心紅大賽

羣芳小旋心冠子也盡天工即柳浦青心點妝即紅子積嬌紅

逍遙廣陵志有御愛黃紅都勝觀音紅瑞蓮紅霓裳紅
芳山紅延州紅綴珠紅紫都勝包金紫紫膾盤小紫球
學圃餘疏有蓮香白皆原譜所未載唐張曲江九齡詩
云仙禁生紅藥微芳不自持幸因清切地還遇艷陽時
名見桐君錄香聞鄭國詩孤根若可用非直愛華滋韓
昌黎詩云丈人庭中開好花更無凡木爭春華翠莖紅
蕊天力與此恩不屬黃鍾家溫馨熟美鮮香起似笑無
言習君子霜刀剪汝天女勞何事低頭學桃李嬌癡婢
子無靈性競挽春衫來比並欲將雙頰一睇紅綠窓磨
遍青銅鏡一樽春酒甘若飴丈人此樂無人知花前醉

倒歌者誰楚狂小子韓退之又詩云浩態狂香昔未逢
紅燈爍爍綠盤龍覺來獨對情驚恐身在仙宮第幾重
盧儲詩云芍藥斬新栽當庭數朶開東風與拘束留待
細君來樂天草詞畢過芍藥初開云罷草紫泥詔起吟
紅藥詩詞頭封送後花口折開時坐對鈎簾久行觀步
履遲兩三叢爛漫十二葉參差背日房微斂當堦朶旋
欹釵葶抽碧股粉蕊撲黃絲動蕩情無限低斜力不支
周迴看未足比諭語難為勾漏丹砂裏焦僥火焰旗彤
雲賸根蒂絳績欠纓綏况有晴風度仍魚宿露垂疑香
熏罨畫似淚者臙脂有意流連我無言怨思誰應愁明

月落如恨隔年期
齒齒泥連萼
玫瑰刺繞枝
等量無勝者
惟眼與心知
微之詩云芍藥綻紅綃
芭籬織青瑣
繁絲盛金蕊
高艷當爐火
翦刻彤雲片
開張赤霞裊
烟輕琉璃葉
風亞珊瑚朶
受露色低迷
向人嬌婀娜
酡顏醉後泣
小女妝成坐
艷艷錦不如
天天桃未可
晴霞畏欲散
晚日愁將墮
結根本為誰
賞心期在我
採之諒所思
幽贈何由果
張泌詩云香清粉澹怨
殘春蝶翅蜂鬚戀
蓋塵閒倚晚風生
悵望靜留遲日學
因循休將薜荔為
青瑣好與玫瑰作
近隣零落若教隨
暮雨又應愁殺別
離人
宋王禹偁詩云牡丹落盡正淒涼
紅藥開時醉一

場羽客暗傳尸解術仙家重燕返魂香蜂尋檀口論前
事露濕紅英試曉妝曾忝披垣真舊物多情應認紫薇
郎東君留著占殘春得得遲開亦有因曾與披垣留故
事又來淮海伴詞臣日燒紅艷排千朶風送清香滿四
隣更愛綠頭弄金縷異時相對掌絲綸滿院勻開似赤
城帝鄉齊點上元燈感傷綸閣多情客珍重維揚好事
僧酌處酒杯深蘸甲折來花朶細含稜老郎為郡辜朝
寄除却吟詩百不能韓魏公詩云芍藥名高致亦難此
觀妖艷滿雕闌酒酣誰欲張珠網金細偏宜間寶冠露
裊更深雲髻重蝶樓長苦玉樓寒鄭詩已取相酬贈不

見諸經載牡丹又龍興寺芍藥云廣陵芍藥真奇美名
與洛花相上下洛花年來品格卑所在隨人趁高價接
頭著處騁新妍輕去本根無顧藉不論姚花與魏花只
供俗目陪妖姹廣陵之花性絕高得地不侈歸造化大
豪大力或強遷費盡擁培無艷冶東君固是花之主千
苞萬萼從榮謝似矯東君沉愛心枉殺春風不肖嫁遂
令天下走香名髣髴丹青競誇詫以此揚花較洛花自
合維揚推定霸其間絕色可麤陳天工著意誠堪訝仙
家冠子鏤紅雲金線裝治無匹亞旋心體弱不勝枝寶
髻歆斜猶墮馬冰雪肌膚一纈斑新試守宮明似赭雙

頭雨雨最多情象物更呈鞍面窠樓子亭亭欠姿媚特
有怪狀堪圖寫見者方知畫不真未見直疑博者詐前
賢大欲巧賦詠片言未出心先怕天上人間少其比不
似餘芳資假借我來淮海陟三春三訪龍興舊僧舍問
得龍興好事僧每歲看承不敢暇後園栽植雖甚蕃及
見花成由取捨出羣標致必驚人方徙矮壇臨大厦客
來只見軒楹前國艷天姿相照射因知靈種本自然須
憑精識能陶冶君子果有育材心請視維揚種花者又
句云紅玉斲成樓突兀白雲爭簇髻巍峩又句云粉妝
瑞玉千叢密冠縷真金半尺圍梅聖俞詩云誰稱為近

侍宜與牡丹尊霞碎千千葉香撩黥黯魂紅樓思俠少
寶髻奉王孫賸插不堪照顏衰汴水渾蔡端明襄詩云
吉祥亭下萬千枝看盡將開欲落時却是雙紅有深意
故留春色綴人思烘簾微照自生光吹面輕風與送香
誰把金刀收絕艷醉紅深淺上釵梁的的名花對酒樽
欄邊沉醉月黃昏今朝闌外尋蘭若忽見孤芳欲斷魂
東坡玉盤盃詩云雜花狼藉占春餘芍藥開時掃地無
兩寺妝成寶瓔珞南禪資福二可一枝爭看玉盤盃佳名會作
新翻曲絕品難尋舊畫圖從此定知年穀熟姑山親見
雪肌膚花不能言意可知令君痛飲更無疑但持白酒

勸嘉客直待瓊舟覆玉彝負郭相君初擇地看羊屬國
首吟詩吾家豈與花相厚更問殘芳有幾枝又詩云一
聲啼鴉畫樓東魏紫姚黃掃地空多謝化工憐寂寞尚
留芍藥殿春風又題趙昌芍藥云倚竹佳人翠袖長天
寒猶著薄羅裳揚州近日紅千葉自是風流時世妝子
由詩云春風欲盡無尋處盡向南園芍藥中過盡此花
真盡也此身應與此花同春來便有南園約過盡春風
約尚賒綠樹成陰花結子便須攜客到君家邵康節白
芍藥云阿姨天上舞霓裳姊妹庭前翦雪霜要與牡丹
為近侍鉛華不御學梅粧含露仙姿近玉堂翻堦美態

醉紅妝對花未免須酣舞倒底昌黎是楚狂山谷詩云
春風十里珠簾卷彷彿三生杜牧之紅藥梢頭初繭栗
揚州風物髻成絲陳後村師道詩云九十風光次第分
天憐獨得殿殘春一枝剩欲簪雙髻未有人間第一人
穆伯長修並蒂芍藥白云油壁車中同載女菱花錦裏
並妝人周益公必大詩云芍藥名先記鄭風那因加木
辨雌雄姚黃後出今玉矣合把黃樓列上公六一先生
舊帥揚分寧太史尹西昌只緣未識紅都勝如杜詩中
缺海棠許元寄歐陽公詩云芍藥瓊花應有恨維揚新
什獨無名公答云偶不題詩便怨人紅都勝黃
樓子芍藥花中之冠又謝送芍藥云占斷春光及夏初琉璃翦葉

朶珊瑚休論花品同而異且詠詩人樂且訝北地莫辭
金鑿落南禪爭看玉盤盃彭宣微恙何妨醉自有嬌癡
婢子扶張功甫鎡詩云自古風流芍藥花花嬌袍紫葉
翻鷓鴣詩成舉向東風道不願旁人定等差唵箋欠向此
花題未信翻堦句絕竒三嗅蒼髯惹黃粉又成空對翦
來枝楊誠齋詩云紅紅白白定誰先嫋嫋娉娉各自妍
最是倚闌嬌分外却緣經雨意醒然晚春早夏渾無伴
暖艷清香正可憐好為花王作花相不應只遣侍甘泉
旁招近侍自江都兩歲何曾見國姝看盡滿欄紅芍藥
只消一朶玉盤盃水晶淡白非真色珠碧空明得似無

欲比此花無可比且云冰骨玉肌膚王梅溪詩云千葉揚州種春深霸衆芳無言比君子窈窕有溫香已過花王候才開近侍香來遊禁酒地免作退之狂陳傅良句云玉龍十二透山頂寶髻三千漢殿中謝堯仁詩云花蓓大如拳花面或徑尺紫者棲紫鸞黃者浴黃鵠或似扶桑枝堆上一輪赤或似玻璃盆稍久擎無力又有似平叔愛矜素粉白又有似蜀人喜染天大碧或似包綠錦未放丹砂拆或似浴青囊未放沈麝發應須和露翦莫使見顏色庶使精神全免笑花無骨楊東山句云不濃不淡勻脂粉非醉非醒媚雨風趙紫芝師秀句云自

洗銅瓶插歌側要令書卷見奢華金王拙軒寂白芍藥
云春城白芍占春餘妙品端宜入畫圖萼粉雨餘沾蝶
翅蕊香風暖上蜂鬚壽陽宮女妝梅額姑射仙人瑩雪
膚不見眉山蘇閣老更誰能賦玉盤孟元馬祖常詩云
鶯粉分奩艷有光天工巧製殿春陽霞繒襞積雲千疊
寶盃凝脂蜜半香並蒂當階盤綬帶金苞向日剖珠囊
詩人莫詠揚州紫便與花王可頡頏袁桷詩云洛陽花
枝如美人點點不受塵土嗔輕朱深白鑄顏色高亞綠
樹爭精神那如新安紅芍藥透日千層紅閃爍碧雲迸
出紫琉璃風動霓裳凝綽約我聞種花如種玉盡日陰

晴看不足微雲淡蕩增寵光
細雨輕濛賜湯沐何人看
花不解理香雪紛紛手中毀
酒酣跌蕩空低昂得意須
臾竟如此翩翩驕驩雲中君
愛花直欲留青春青春如
流欲歸去明年看花君合住
張昱詩云醉吐車茵愧不
才馬前蝴蝶趁飛回玉瓶盛
露扶春起錦帳圍燈照夜
開垂白敢思溱洧贈歌紅還
是廟廊裁揚州何遜空才
思惟對高寒詠閣梅楊允孚
灤京雜詠云時雨初肥芍
藥苗脆肥香壓酒腸消揚州
簾卷春風裏曾惜名花第一
嬌吳草廬詩云寒江深冬宿
異根發榮今日謝春恩
淺潮半醉流霞暈清印初昏
淡月痕花下蜂狂成勝集

草間狼藉倒金樽紫芝興味亦如此誰信京華有綺園
明楊孟載基題白描芍藥圖云玉樓寒擁翠羅衾珠箔
暗搖縷縷金蝴蝶亂飛花未落東風庭院又春深劉泰
題芍藥云綠陰庭院已非春紅藥翻堦露朶新綽約嬌
姿誰得似天風吹下衛夫人徐幼文賁詩云輕陰釀綠
寒猶薄龜甲踈簾映朱閣美人偏有惜花心新水銀瓶
送紅藥當堦惟恐流塵污纖手籠春為花護一捻芳容
飽弄嬌臙脂細結玲瓏露綵貼單屏襯碧綃微風纔動
見花搖香凝膩粉肌全溼影艷方諸臉半潮高枝開滿
低枝捲翠檻移來隨步輦濃染如分織女機巧裁似出

宮娥翦花情最重是何人應有鴛鴦帳裏身不用傳心
題綺字蹋歌當為喚真真李西涯內閣賞芍藥云一春
風日幾晴陰數種名花競淺深禁苑栽培真得地化工
雕刻本何心叢疑月下留鸞宿香到人間許蛺蝶尋臺閣
風流前輩遠綠毫重和玉堂吟次第紅芳又綠陰好花
留向玉堂深多從雨過看生色不為春遲負賞心清露
著衣香易溼綵雲迷眼夢難尋杯餘幸接韓公宴詞罷
先賡白傅吟曉聞花底佩聲歸萬葉枝頭露未稀力盡
丹青空藻繪眼看紅紫漫芬菲裁雲直傍瑤池起避日
須將錦幃圍願向人間分此種莫教春祇在彤扉春逐

長安擔上歸此花真覺眼中稀新題翰苑圖猶在舊事
揚州草自菲索賞向人心已醉試開經日手頻圍欲知
近侍承恩地長共西垣與北扉又詩云秀色春前發濃
陰雨後看持盃賀花相先我得休官吳原博寬詩云妙
手何人簇絳紗平臺驚見數枝斜梁家園裏無遺種吏
部庭前得好花量淺莫將深盞酌眼昏猶用密簾遮詩
中近侍非公論誰說唐人是作家品高真自廣陵來舊
譜空憐壁角堆千葉連雲如並擁兩枝迎日忽齊開詩
中相謔何須贈擔上能賒也用裁記取今時纔看起醉
吟多藉麴生村謝承舉宋徽宗芍藥云北望胡沙道呈

長秋風寬盡六銖裳行宮多少幽人怨紅藥階前亦收
妝又墨芍藥云珍花開徹玉盤盃點檢揚州也自無永
叔多情為編譜墨痕狼藉上花鬚儲懽賞紅藥云三歲
歸來始一看捲簾深坐傍闌干數枝帶雨開何晚此日
憐春別更難封植喜留嘉種在低徊如語舊盟寒裁詩
為喚東君轉酒盞花前正爾寬莫怪多情盡日看春殘
花謝總相干遲開已待花神入真賞能逢地主難翠幄
微香吹漸遠玉盤承露瀉初寒三年擬試沉香筆却算
行期為爾寬文衡山禁中芍藥云仙姿綽約絳羅紳何
日移根傍紫宸月露冷團金帶重天風香泛玉堂春千

年想見翻堦詠一笑羞稱近侍臣不似人間易零落上
方元自隔凡塵僧德祥詩云玉堦宜有此花開金鼎調
香宰相才莫謂人閒無彩筆寫將濃艷入雲臺近時塞
曉亭爾赫白芍藥云珠簾入夜捲瓊鈎謝女懷香倚玉
樓風暖月明看欲墮依稀殘夢在揚州吳梅村詩云花
到春深爛漫紅香來士女蹋歌中風和相謔吹芳蒂露
恨將離浥粉叢漬酒穩教顏色異調羹誤許姓名同內
家彩筆新成頌肯讓元暉白自工漁洋豐臺看芍藥晚
過祖氏園亭云回首旗亭畫壁時重來已是十年遲應
劉逝後風流盡只有恒河照鬢絲依然春草樊川路並

馬來過覆盎門記得城南天尺五綠蕪紅藥水邊村
波塘點點烏犍出夏木陰陰白鳥飛也似江南好風景
水田一帶學僧衣宮錦千絲費剪裁託他婪尾殿春杯
老顛賸欲相料理乞取齊奴步障來雨雨風風態自殊
花葉葉不曾孤更添線鵲和蟬蝶便是徐熙六幅圖
露溼春衣更不嫌花枝姪姹雨廉纖鬢絲禪榻心情改
閑看兒郎插帽簷沙禽一一事高格煙柳斜陽初弄姿
更愛風標兩公子水荳蔻外立移時水檻清涼跂脚眠
菱花菰葉一溪煙阻風中酒年年事絕憶春江上水船
江茗文詩云豐臺芍藥南地無花徑一尺馮丈餘都人買

此不甚惜狼藉繁枝橫路隅吳門芍藥以輸直幾與姚
黃魏紫敵朱欄錦障護春風更將落藥煎酥喫花之貴
賤安足論且傾綠酒酬花神不煩拈出當階句小謝斯
言已覺陳高澹人士竒塞外見芍藥花云絕徼寒多春
較遲馬頭驚見兩三枝雖然不及邗溝種也自穠華鬪
一時淺淺輕膚映玉膚任他開落委靡蕪馬支山下多
顏色得似新花娘娜無韓慕廬莢豐臺芍藥云種玉多
方著意培更煩鴉鳩盡情催蘭香采後纔從謔鹿韭濃
時肯浪開猶似語離商去住憐如交讓莫嫌猜闌干十
二渾無力休認阿環倦倚來香風十里自傾城簾捲西

山四照綈繡幕重遮風送暖銀牀小注雨飛輕色綠濃
艷粧先退種為繁多譜不成獨有晚來冰雪貌含情含
態未分明田山蘊雯詩云沙徑名園近柴門古寺西數
行垂柳密幾處亂鶯啼閣勢憑風動花陰旁午齊到來
爭繫馬步屐蹋香泥家初白白芍藥云扶頭一笑粉生
光鏡裏匆匆看改妝金餅賺來初罷浴瑤堦行過但聞
香含嬌似爾情難禁太潔從人忌不妨莫向中書誇故
事素心羞對紫薇郎便從姑射擬肌膚那許餘容伴鼠
姑美酒對傾金鑿落佳名果稱玉盤盃鶴翎舞拂新時
樣獺髓痕消舊日圖珍重一襟冰雪意殘紅埽地近來

無又豐臺芍藥云不用穿花坐竹兜蹇馱客穩如舟
垂楊十里綠陰合中有一雙黃栗留意外濃粧鬪眼新
無端一笑為迷津妬他誤馬隨車處出色花枝不讓人
紅艷羣群綺陌遊春風瀟栗憶揚州十年一夢依稀似
老眼貪看分外羞孟公愛客不尋常知我錢空買醉囊
特遣白衣迎半路一壺重發少年狂高西園鳳翰詩云
日向踈籬看幾迴空勞紅藥伴蒼苔可憐也具傾城色
不得沈香亭上開周白民振采詩云君留燕吾適魯去
年花時各羈旅鞭梢兩地恰歸來一時花下同賓主殿
春朶朶翻涼夾白頭相對千花明有酒但作長鯨飲有

句肯學寒蛩鳴物情共艷三公爵魏國聲名兆花萼戎
與君家共息機無須離別悵分飛朱朱白白皆堪賞不
羨揚州金帶圍田西圃豐臺芍藥云長安四月花事殷
艷友近客來紛紛擔上風光看未勻尋芳約出城南門
幽燕老將我勝友三河年少兩不羣咄咄瑯琊復磊落
翩翩更羨機與雲秃尾驢子方麴扇相將並轡成七人
水禽驚落衝衣過高低村徑畦塘分千叢萬叢爭紅白
十里五里颺清芬風風雨雨化工巧花花葉葉罨畫熏
四圍爛漫不暇接山光雲影相吐吞曾聞玉堂集宴賞
宮錦玉帶籠霞紛又聞廣陵稱名勝三十一譜傳劉放

此地繁華亦罕覩，酒酣耳熱憑芳茵。屈指豐臺非一過，
今朝選勝何欣欣。名花名士兩相值，情差愛惜真殷勤。
流連不覺斜陽曛，歸路餘香襲衆妙。一聲鷓鴣花氤氳，
錢修亭題畫芍藥云：長安種花復催花，烘炙萬卉生萌
芽。十月已報隴梅發，牡丹又見翻紅霞。惟有將離花伏
土不動如蟄蛇，暖爐蒸徧催不出。要與三春紅紫爭繁
華，園丁坐束手對之。但嘆嗟張君顧而笑，爾技何窮耶。
亟裁好東絹，寫作連天花。張君少得南田法，能事不遺
豪髮差。承風露，葉墨痕淡。并刀截玉肪，無瑕我欲向君
乞。數本膽瓶供養，當日斜。只恐園丁夜半來偷取青錢。

三百賣與油壁遊人車杭大宗詩云豐臺花擔曉盈筐
折得生枝露浥房閑閣靜宜三尺雨捲簾先透二分香
紅燈不擬添潮暈玉頰偏教膩粉光太息春風易離別
一樽梵尾九迴腸又詩云不晴不雨嫩涼烘插向花瓷
分外紅賺我頓教狂興發對君那便酒杯空思攜歌管
難禁艷欲捲簾櫳恐受風直為將離頻繾綣製名真想
古人工又瑞芍亭即事云看徧金蕉眼倦擡佳晴無事
費疑猜刺閨小吏侵晨報千稜濃香一例開紅泥亭子
界香塍畫榜高標瑞芍稱一字單題人未識不知語本
馬中丞交枝並蒂倚東風幻出三頭氣白融細測天心

徵感應為公他日兆三公瑟瑟清歌妙入時雕梁深護
猛尋思可知十萬娉婷色只要翻階一句詩大雅扶輪
巨望巍者英高會世應稀濃香也要探花使熏透王郎
糝綠衣又黃芍藥云誰教沒骨寫靈根姹紫嫣紅豈足
論佛借妙香開笑面天留正色餞春魂遊蜂採處尋難
見密酒澆來漬有痕華省只今多好句翻階剛值月黃
昏玉潤江郎彩筆舒眉間色映撫闌餘隔年種艷思殊
質計畝論花當野蔬畫倩黃筌仍不似歌翻金縷得相
如若教九錫標名品封詔何煩五色書袁才子詩云紅
藥欄空意惘然白頭人坐散花天枕邊已醒黃梁夢座

上還飄紫玉烟小賸半枝如戀主多看一刻當留仙明
春約汝開宜早我是衰年弟少年趙谷林昱雨中翦芍
藥云梵尾梧殘恨雨綿愁心空唱想夫憐初辭烟砌傾
紅淚易觸風懷拾翠鈿畫譜折枝春可借屏遮半面色
邀鮮將離賦罷腸如割續續相思又一年又紫芍藥云
阿紫偏矜時世妝揚州好詠匹花王賜同珍貴蓬萊號
染出風流鶯管霜沒骨可憐侵暮色四枝爭賞發奇香
闌干六六生相並妬殺陳家十八孃又白芍藥云買貯
名花近卧牀一枝玉雪更清芳客中漫惜春情減酒醒
更闌夢破香朝來細雨養花枝雨過花香只自知卻恨

去年秋雨後離人容易賦將離王東田詩云婪尾春光
伴倚闌更從下直理杯盤芳名稱我將離客綺句還君
本分官大白每遲新月舉殷紅不著晚霞殘狂香浩態
矜如許可要胭脂畫牡丹金子青學蓮詩云仙姬采香
能竊春婪尾醉倒將離人珊瑚枝碎露珠泣十里氣濃
雙畫輪楚腰衛鬢壓枝重晚颺撼塵塵不動大堤高艷
驚陸郎紅綃半溼參差光薊門小兒能走馬蹀躞鞭聲
夕陽下狂歌浩態若流水錦塍繡茵飛燕子楊蓉裳芳
燦題雙芍藥圖云徐黃妙手寫生工幻出仙葩各一叢
舞向雕闌雙宛轉護將珠箔兩玲瓏持鱸比素知誰好

看碧成朱訝許同笑我風懷似元九為渠重賦亞枝紅
芙蓉城裏謫仙曹花史修成管自操二月韶華吟豈寇
六朝遺事說櫻桃鄂君繡被辭江浦神女明珠落漢臯
空屑沈香薰小像行雲無定夢魂勞廣陵佳種記曾採
廿四橋邊路舊諳好句輸君傳隴右閒愁憐我徧江南
雲因出岫情全淡蝶為離花夢不酣檢點小園凡草木
叢殘心緒學嵇含悔托將離喚小名書生薄福負卿卿
嬌雲一朶尋無迹春恨三分畫不成各有因緣酬慧業
共拋心力付閒情在傍紅燭能知狀惆悵無眠直到明
宋晁無咎望海潮詞云人間花老天涯春去揚州別是

風光紅藥萬株佳名十種天然浩態狂香尊貴御衣黃
未便教西洛獨占花王困倚東風漢宮誰敢鬪新妝年
年高會維揚看家誇絕艷人詫竒芳結萼當屏聯葩就
幄紅遮綠遶萃堂花面映交相更秉蘭蕙消幽意難忘
罷酒風亭夢魂驚恐在仙鄉周公謹密玉盤盃江城子
云玉肌多病怯殘春瘦稜稜睡騰騰清楚衣裳不受一
塵侵香冷翠屏春意淺明月淡曉風輕樓中燕子夢中
雲似多情似無情酒醒訝闌誰為喚真真盡日鎖牕人
不到鶯意懶蝶愁深王梅溪點絳脣云閒日盈盈向人
自笑還無語牡丹飄雨開作羣花主柔媚溫香翦染旁

天女青春去花間歌舞學個狂韓愈韓元吉浪淘沙云
鷓鴣怨花殘誰道春闌多情紅藥待君看濃淡曉妝新
意態獨占西園風葉萬枝繁猶記平山五雲樓映玉成
盤二十四橋明月下誰凭朱闌曾覩念奴嬌詞云人生
行樂算一春歡賞都未幾日綠暗紅稀春已去贏得星
星鬢白醉裏狂歌花前起舞拚罰金杯百淋漓宮錦忍
辜妖艷姿色須信殿待韶光只愁花謝一作經年別嫩
紫嬌紅邀客語應為主人留客月落烏啼酒闌燭暗離
緒傷吳越竹西歌吹不堪老去重憶姜夔側犯詞云恨
春易去甚春却向揚州住微雨正繭栗桐頭弄詩句虹

橋二十四總是行雲處無語漸半脫宮衣笑相顧金荷
細葉千朶圍歌舞誰念我髮成絲來此共樽俎後日西
園綠陰無數寂寞劉郎自修花譜盧申之祖臯水龍吟
云杜鵑啼老表紅翠陰滿眼愁無奈飛來何處鳳駟鸞
馭霞珺雲珮風檻嬌凭露梢慵鞞酒痕微退念洛陽人
去香魂又返依然是風流在十年一覺揚州春夢離愁
似海浩態難留暗香吹散幾時重會向樽前笑折一枝
紅玉帽簷斜戴劉後村賀新郎詞云一夢揚州事畫堂
深金瓶萬朶元戎高會座上祥雲層臺起不減洛中姚
魏歎別後關山迢遞國色天香何處在想東風猶憶狂

書記驚歲月一彈指數枝清曉煩馳騎向小牕依稀重
見蕪城妖麗料得花憐儂消瘦儂亦憐花憔悴謾悵望
竹西歌吹老矣應無騎鶴日但春衫點點當時淚那更
有舊情味方秋崖岳沁園春詞云把酒問花繭栗梢頭
春今幾何笑身居近侍翻階萬玉面勻菩薩髻擁千螺
一一牙籤英英碧字占斷花間甲乙科歸來也傍紫薇
吟處揉作陽和祇今花事無多看幾許風烟付與他待
圍將翡翠怕蜂粘粉織成雲錦遣鳳銜梭誰翦并刀贈
之燕玉莫負雙娥嬌溜波花應道儘花強人面底用能
歌近時陳其年花犯又一詞云看君家崢泓蕭瑟門庭

體

寂如水雜花鋪綴任紫艷紅英圍繞籬次年年步屣隨
蜂至許多花下事算祇有風前鈴索知人吟賞意今年
東吳到詩僧相逢何況又落花天氣禪板靜相將鬪賦
才清綺誰知道百花謝後還領略粉香新月底凝望久
為伊凭煖闌干紅梵字又粉芍藥瑤花詞云無瑕競國
有恨明妃一朶千金價盈盈笑靨倩厨中櫻筍娛他新
夏牡丹剛謝了檀板銀罌纔暇又堦前婢學夫人一樣
嬌姿瑩夜參差粉面齊呈愛雪躡珠歌幽輝凝射露華
微綴垂縞袂淺向玉欄低亞折來謔贈覺消水風光堪
借記芳名似喚將離斗頓沈吟花下

海棠嬌品也有貼梗垂絲西府木瓜帚子南海

即祝家桃等種

就中西府名紫綿者最佳海棠子名海紅爾雅所謂赤棠狀如木瓜即木瓜海棠也貼梗作花磬口深紅五出如胭脂無香不結子新正即開亦有四季花者垂絲花梗長若櫻桃其瓣叢密而色嬌媚重英向下有若小蓮西府則枝梗畧堅花色稍紅南海枝多屈曲有刺花經海棠六品四命垂絲海棠三品七命賈耽呼為花中神仙曾端伯呼為名友三柳軒雜識以為蜀客又呼艷客牡丹榮辱志以重葉者為花命婦多葉者為花戚里吳中復以為川紅翁洮以為牡丹兄王梅溪題曰蜀錦又

名醉春劉淵才恨其無香惟昌州獨香天台有黃白二
種唐賈島詩云名園對植幾經春露蕊烟梢畫不真多
謝許昌傳雅什蜀都曾未遇詩人昔聞遊客話芳菲濯
錦江頭幾萬枝縱使許昌持健筆可憐終古愧幽姿李
紳詩云海邊佳樹生竒彩知是仙山取得栽瓊蕊籍中
聞閨苑紫芝圖上見蓬萊淺深芳萼通宵換委積紅英
報晚開寄語春園百花道莫爭顏色泛金杯何希堯詩
云著雨胭脂點點消半開時節最妖嬈誰家更有黃金
屋深鎖東風貯阿嬌温飛卿詩云幽態竟誰賞歲華空
與期川回香盡處泉照艷濃時蜀彩淡搖曳吳妝底怨

思王孫又誰恨惆悵下山遲
崔塗海棠圖云海棠花底
三年客不見海棠花盛開
却向江南見圖畫始慙虛
到蜀城來鄭谷詩云春風
用意勻顏色消得攜觴與
賦詩濃麗最宜新著雨嬌
繞全在欲開時莫愁粉黛
臨牕懶梁廣一作果信
丹青點筆遲朝醉暮吟看
不足羨他蝴蝶宿深枝薛
能詩云四海應無蜀海棠
一時開處一城香晴來使
府低臨檻雨後人家散出
墻閒地細飄浮淨蘚短亭
深綻隔垂楊從來看盡詩
誰苦不及懽遊與畫將吳
融詩云雪綻霞鋪錦水頭
占春顏色最風流若教更
近天街種馬上多逢醉五
侯宋王元之禹偁商山海棠云

錦里名雖盛商山艷更繁別疑天與態不類土生根淺
著紅蘭染深於絳雪噴待開先釀酒怕落預呼魂香裏
無勅敵花中是至尊桂須辭月窟桃合避仙源浮動冠
頻側霓裳袖忽翻望夫臨水石窺客出墻垣贈別難饒
柳忘憂肯讓萱輕輕飛燕舞脉脉息媯言蕙陋虛侵徑
梨凡浪占園論心留蝶宿低面厭鶯喧不忝神仙品何
辜造化恩自期栽御苑誰使擲山村綺李荒祠畔仙娥
古洞門烟愁思舊夢雨泣怨新婚畫恐明妃恨移同卓
氏奔祗教三月見不得四時存繡被堆籠勢臙脂浥淚
痕貳車春未去應得伴芳樽石延年句云意分巫峽雨

腰細漢臺風郭震詩云西蜀傳芳日東君著意時鮮葩
猩薦血紫萼蠟融脂絳闕疑流落瓊欄合護持無詩杜
工部今有省郎知晏元獻殊詩云香靄河驚目鮮妍欲
蕩魂向人無限思當畫不勝繁浩露晴方浥遊蜂暖更
喧只應春有意留贈子山園又詩云青瑣曾留貯珍叢
宛未移幸分霖雨潤猶見艷陽姿岸幘來朱檻攀條憶
絳蕤能令人愛樹不獨召南詩宋景文祁詩云西域流
根遠中都屬賞偏初無可並色竟不許勝妍薄暝霞烘
爛平明露濯鮮長衾繡作地密帳錦為天淺影才歌檻
橫柯欲照筵愁心隨落處醉眼著繁邊的的誇妝靚番

番恃笑嗎何嘗間蘭媚要是掩櫻然艷足非他譽香輕
且近傳所嗟名後出遺載楚臣篇梅聖俞和永叔詩云
搖搖墻頭花萋萋有好色高枝笑粲粲低枝明皜皜但
與風相撩不與風相得風吹莫苦急遊子嘆日昃彭祖
與顏回相去猶瞬息每觀形影篇曷在神所釋不可廢
我吟畢竟焉免白搖搖墻頭花一一如舞蛾春風買艷
逸艷逸此何多不為遊蜂撓即為狂蝶過日光苦給給
魯叟白波波人生若朝菌不飲奈老何揚雄寂寞居豈
若阮生歌又詩云江燕入朱閣海棠繁錦條醉生燕玉
頰瘦聚楚宮腰曾不分香去尤宜著意插誰能共吹笛

樹下想前朝要識吳同蜀須看線海棠胭脂色欲滴紫
蠟蒂何長夜雨偏宜著春風一任狂當時杜子美吟徧
獨相忘范蜀公鎮詩云不知真宰是誰專生得韶光此
樹偏吟筆偶遺工部意賦辭今職翰林棹風翻翠幕晨
香八霞照危墻夕影連移植上園如得地芳名應在紫
薇先右揚休詩云花工裁翦用玉專濯錦江頭價最偏
酷愛幾思憑畫手難題渾覺挫詩權艷凝絳纈深深染
樹認紅綃密密連因想當年武平一枝枝眷賜侍臣先
郭稹詩云朱欄明媚照橫塘芳樹交加枕短墻博得東
君深意態染成西蜀好風光破紅枝上仍施粉繁翠陰

中旋撲香應為無詩怨工部至今含露作啼妝程琳詩
云海外移根灼灼竒風情閔麗比應稀晶瑩寶萼排珠
琲旖旎芳叢簇繡帷繁極只愁隨暮雨飄多何計駐春
暉浣花溪上年年意露濕煙霞拂客衣東坡詩云江城
地瘴蕃草木只有名花苦幽獨嫣然一笑竹籬間桃李
滿山總粗俗也知造物有深意故遣佳人在空谷自然
富貴出天姿不待金盤薦華屋朱唇得酒暈生臉翠袖
揜紗紅映肉林深霧暗曉光遲日暖風輕春睡足雨中
有淚亦悽愴月下無人更清淑先生食飽無一事散步
逍遙自捫腹不問人家與僧舍拄杖敲門看修竹忽逢

絕艷照衰朽歎息無言措病目陋邦何處得此花無乃
好事移西蜀寸根千里不易到銜子飛來定鴻鵠天涯
流落俱可念為飲一樽歌此曲明朝酒醒還獨來雪落
紛紛那忍觸只詩云東風嫋嫋泛崇光香霧霏霏月轉
廊只恐夜深花睡去高燒銀燭照紅妝楊諤句云杜宇
三春艷蠶叢一國香陳簡齋與義詩云海棠點點要詩
催日暮紫綿無數開欲識此花竒絕處明朝有雨試重
來紅妝翠袖一番新久向園林作好春却笑華清誇睡
足只今羅襪久無塵深院無人春日長遊蜂來往燕飛
忙海棠嬌甚成羞澀憑仗東風催曉妝劉子翬詩云幽

姿淑態弄春晴梅借風流柳借輕種處靜宜臨野水開
時長是近清明幾經夜雨香猶在染盡胭脂畫不成詩
老無心為題拂至今惆悵似含情周益公次韻楊廷秀
并序萬花川谷主人為海棠賦二首妙絕古今斷章有
平生不帶看花福不是愁中即病中之歎代花次韻云
江國羣芳自有餘詩才酒興不愁無却憐西蜀移根遠
醉向東風落筆初傅粉施朱淡復濃不辭沐雨更梳風
豈知命似佳人薄不在吾公樂事中曾吉甫幾詩云西
蜀名花得許濃晚來呼客醉花中可憐朶朶枝枝弱自
占深深淺淺紅收拾雖微少陵老寵光逸有翰林公無

聊獨出城闈去燒燭看時恨不同石湖詩云芳春隨分
到貧家兒女多情惜歲華聊為海棠修故事去年燈燭
去年花燭光花影兩相宜占斷風光二月時但得常如
妃子醉何妨獨欠少陵詩憶向宣華夜倚闌花光妍暖
月光寒如今躡颯嫌風露且只銅瓶滿插看又詩云東
風花信十分開細意留連待我來開過十分風不動更
無一片點蒼苔家人扶上錦城頭蜂蝶團中爛漫遊報
答春光須小醉紅雲洞裏按伊州低花妨帽小攜筇深
淺蘸脂一萬重不用高燒銀燭照暖雲烘日正春濃又
題趙昌海棠梨花云醉紅睡未熟淚玉春帶雨阿環不

可招空記憑闌語放翁詩云誰道名花獨故宫東城盛
麗足爭雄橫陳錦帳闌干外盡吸紅雲酒盞中貪看不
辭持夜燭倚狂直欲擅春風拾遺舊詠悲零落瘦損腰
圍擬未工又詩云便便癡腹本來寬不是天涯強作歡
燕子歸來新社雨海棠開後却春寒醉誇落紙詩千首
歌費纏頭錦百端深院不聞傳夜漏忽驚蠟淚已堆盤
又懷成都海棠云碧雞坊裏海棠時彌月兼旬醉不知
馬上難尋前夢境樽前誰記舊歌辭目窮落日橫千嶂
腸斷春光把一枝說與故人應不信茶烟禪榻鬢成絲
又張園觀海棠云朝陽照城樓春容極明媚走馬蜀錦

園名花動人意嚴妝漢宮曉一笑初破曉定知夜宴歡
酒入妖骨醉低鬟羞不語困頰嬌欲閉雖艷無俗姿太
息真富貴結束吾方歸比別知幾歲黃昏廉纖雨千點
裛紅淚又詩云我初入蜀鬢未霜南充樊亭看海棠當
時已謂目未睹豈知更有碧雞坊碧雞海棠天下絕枝
枝似染猩猩血蜀姬艷妝肯讓人花前頓覺無顏色扁
舟東下八千里桃李真成奴僕爾若使海棠根可移揚
州芍藥應羞死風雨春殘杜鵑哭夜夜寒衾夢還蜀何
從乞得不死方更看千年未為足又張園海棠云洛陽
春信久不通姚魏開落塵沙中揚州千葉昔曾見已嘆

造化無餘功西來始見海棠盛成都第一推燕宮池臺
埽除凡木盡天地眩轉花光紅慶雲墮空不飛去時有
絳雪縈微風蜂蝶成團出無路我亦狂走迷西東此園
低樹猶三丈錦繡却在青天上不須更著刀尺裁乞與
齊奴開步障又錦亭云天公為我齒頰計遣饒黃柑與
丹荔又憐狂眼老更狂令看廣陵芍藥蜀海棠周行萬
里逐所樂天公與我原不薄貴人不出長安城寶帶華
纓真汝縛樂哉今從石湖公大度不計聾丞聾夜宴新
亭海棠底紅雲倒吸玻璃鍾琵琶絃繁腰鼓急盤鳳舞
衫香霧濕春醪凸盞燭光搖素月中天花影立遊人如

雲環玉帳詩未落紙先傳唱此邦句律方一新鳳閣舍
人今有樣又詩云為愛名花抵死狂抵愁風日損紅芳
露章夜奏通明殿乞借春陰護海棠十里迢迢望碧雞
一城晴雨不曾齊今朝未得平安報便恐飛紅已作泥
蜀地名花擅古今一枝氣可壓千林譏彈更道無香處
常恨人言太刻深又驛舍見屏風畫海棠有感云厭煩
只欲長面壁此心安得頑如石杜門復出嘆習氣止酒
還開慙定力成都二月海棠開錦繡裏成迷巷陌燕宮
最盛號花海霸國雄豪有遺蹟猩紅鸚綠極天巧疊萼
重跼眩朝日繁華一夢忽吹散閉眼細思猶歷歷憂樂

相尋豈易知故人應記醉中詩夜闌風雨嘉州驛愁向
屏風見折枝楊誠齋詩云帝城二三月海棠可萬株向
來青女輕滕六戲與一憾即日枯東皇夜遣司花女手
揆紅藍滴青露染成片片淨練酥亂點梢梢酣日樹蓬
萊仙人約老翁寄箋招喚陸龜蒙為花一醉夜不息就
中一事最奇特海棠兩岸繡帷裳是間橫著雙胡牀龜
蒙踞牀忽倒卧烏紗自落非風墮花吹滿面雪霏霏起
來索筆手如飛卧去起來都是韻是醉是醒君莫問好
箇海棠花下醉卧圖如今畫手誰姓吳又詩云小園不
到負今晨晚喚嬌紅伴老身落日爭明那首暮艷妝一

出更無春樹間露坐看搖影酒底花光併入唇銀燭不
燒渠不睡梢頭恰恰挂冰輪競艷嬌紅寢是他教人嫌
少不嫌多初酣曉日紅千滴晚笑東風澹一渦自是花
中無國色非闕格外占春窠開時慳與渠儂醉却恨飄
零可若何又垂絲海棠云垂絲別得一風光誰道全輸
蜀海棠風攪玉皇紅世界日烘青帝紫衣裳懶無氣力
仍春醉睡起精神欲曉妝舉似老夫新句子看渠桃李
敢承當沈立百韻云岷蜀地千里海棠花獨妍萬株佳
麗國二月艷陽天叢萼勻如布修鞋巧似編彤雲輕點
綴赤玉碎雕鐫瑟瑟光輪瑩猩猩血借鮮淺深相向背

疎密遞勾牽，輕舊重重染。丹砂細細研，蕊纖金粟拱。顏
嫩紫絲拳，紅蠟隨英滴。明璣著顛穿，初莖爭裊娜。翹榦
共蹁躑，絕代知無價。生香不減穠，分靈應桂苑。鍾粹定
星躔，木帝經邦相。花王入室賢，祥飈如翦拂。卿霤共陶
甄，真宰陰推轂。勾芒與著鞭，不須憂薄命。好為惜流年，
贊翼施生柄。扶持煦嫗權，主張韶令正。調燮淑威宣，和
氣高低洽。芳心次第遠，金釵人十二。珠履客三千，雲雨
迷巫峽。風波怨洛川，娉婷宜住楚。妖冶合居燕，繡被通
宵展。華燈徹曙燃，橫披前檻外。半出假山巔，暗羨遊蜂
採。偷輸蟻穴沿，瘦嫌蛛網織。柔怯女蘿纏，蓄恨憑誰訊。

無言只自憐文君酒壚畔揚子草堂前品格生來別風
流到老全繁中生悵望衆裏見喧聞暄暖精神出晴明
意態便關關鶯對語兩兩燕高騫天上宜封植人間偶
竚延共櫻圍別館與杏擁斜阡清暖簾爭卷黃昏幕尚
寒低籠金輦輅高映畫鞦韆忽認梁園妓深疑閨苑仙
忽忽來惹圍遠遠別芝田羞隱暝濛霧輕如淡蕩煙乍
逢開羽扇初喜下雲駢髣髴向星靨依稀帶翠鈿五銖
衣宛轉七寶帳翩翩獨立挨霓節成行列彩旃困宜歌
虎枕步好襯金蓮舞定休回袖妝濃不傳鉛蓋張松鬱
鬱茵藉草芊芊馥郁蘭供夢扶蘓柳伴眠軀輕彌綽約

腰細更便嬛。姪姘常顛若幽柔。自灑然侍兒羅白芷婢。
子列芳荃口口濃檀注腮腮薄粉填解圍施葉帷買笑。
有榆錢旖旎環瑤席婆婆匝玳筵嬌依屏曲曲泣對露。
涓涓南陌輕埃蔽東郊夕照連幾時休縹緲從此識嬋。
娟是處遺簪珥誰家不管絃妬姬貪恐失戲稚惜何顛。
折閃搔頭褪擎拏約腕揜戴遮鬟上鳳裝壓鬢邊蟬汲。
引新懽聚消磨宿忿蠲縱觀須倒載命宴必加邊翻曲。
教歌媛更詞送酒船鄉心須暫解病眼當時痊迢遞來。
油壁從容住錦鞦雅宜交讓比穠與隸華聯不憤參朱。
槿寧甘混木綿醑醪潛失色躑躅敢差肩素柰思投迹。

天桃耻備員梧桐愧金井芍藥濫花磚倚壓辛夷俗潛
排寶馬薦天恩無久恃人寵莫長專布影交三徑敷榮
徧一廛凝眸方曄曄回首旋翩翩可忍驚飈挫胡煩急
景煎珊瑚隨手碎絳雪繞枝旋拂漢霞初散當樓月自
圓飄零隨蠖蠓散亂逐漪漣灼灼龜城外亭亭錦水邊
抱愁應慘感有淚即潺湲午影迷蝴蝶朝寒怨杜鵑物
情元倚伏人意莫拘攣擢秀高羣木稱珍極八埏未開
獨脉脉憂落固悵悵別著新文紀重尋舊譜箋共知紅
艷好誰辨赤心堅實似陪朱李根宜灌醴泉栽須鄰竹
柏樹莫繞烏烏耻托膏腴茂當隨富貴遷為多猶底滯

因遠尚迤邐客思易成亂心期未省愆畫思摩詰筆今
稱薛濤牋醉目休頻送詩情豈易緣薛能誇麗句鄭谷
賞佳篇止感芳姿美那憐託地偏山經猶罕記方志未
多傳巧詠憂才竭冥搜得意詮遐陬寡真賞僻境忍輕
捐抽祕慚非據探竒敢讓先援毫叙名卉聊用放懷焉
薛季宣詩云世間原有無窮恨海外棠花宮錦爛燒炙
東風春未半濃妝獨立情撩亂博山爐冷沈煙斷記語
洛妃池側畔桂衣透溼飄香汗舞罷霓裳高燭看吳苑
散花灘彼岸亦有當初舊遊觀棠梨古徑霞光燦薔薇
露冷衣新盥卷袖胭脂紅入腕噴人蘭芷芳都貫天然

種性真竒玩嶺海誠知煎可爨凝擷桑柯燃熾炭裏取
緇巾永傳玩他年留得重公案崔德符鷄詩云渾是華
清出浴初碧綃斜掩見紅膚便教桃李能言語要比嬌
妍比得無朱子詩云春草池塘綠忽驚花嶼紅亂英深
淺色芳氣有無中置酒賓朋集披襟賞詠同若非摹寫
得應逐彩雲空吳芾詩云海棠元自有天香底事詩人
故謗傷不信請來花下坐惱人鼻觀不尋常劉後村詩
云萬紅夾路笑相迎髣髴前身石曼卿若向花中論富
貴芙蓉城劣海棠城幾樹繁紅映碧灣苧羅山下見芳
顏分明消得黃金屋却墮荒溪野徑間色深乍擣守官

紅片片俄隨
峽蝶風到得
離披無意緒
精神全在半
開中
張冕詩云海
棠栽植徧塵
寰未必成都
欲詠艱山木
瓜開千顆顆
水林檎發一
攢攢初疑紅
豆爭頭綴忽
覺臙脂衆手
丸西蜀僧家
根撥小南荆
官舍樹枝寬
高穿羣木無
因蔽平倚危
樓最好看十
畝園林渾似
火數方池面
悉如丹錦袍
萬丈仍連袂
珠被齊光更
合歡風嫋細
腰妝正罷露
晞銅雀淚新
乾晨曦遠借
彤雲暖秋魄
微侵甲帳寒
會讌豈勞供
幄幙採香應
見費龍檀穠
燒游女青絲
髮殷染妖姬
白玉冠賓席
半移隈茜綬
使車多熱簇
雕鞍層層排
朶縈飛蝶密
密交柯宿翠
翰詩容

早慙矜鏤管畫工誰敢銜霜紈太期相伴千場醉可忍
輕邀百卉殘川路尚移隨迅瀨蕃船猶折出長瀾飄零
絳雪深盈尺收拾晴霞散結團時去獨應賢者識色空
潛有達人觀譎為仙子終須美實作寒梅况不酸五六
年來離別恨春宵頻夢石臺盤程敦厚句云爛漫雲成
瑞葳蕤女有媿賞即笙歌地題稱翰墨場金蔡松年黃
海棠云清陰不嘆晚晴芳縹緲緗雲翠袖長萼綠江花
輸帶葉醉紅蜀艷恨無香南州氣味連三月東晉風流
共一觴老眼寒來易愁絕溫柔乞與醉中鄉梁詩勝詩
云野杏山桃委路塵芳菲都屬錦城春只緣造物偏留

意任使無香亦可人粉白漫誇宮樣巧胭脂難染睡痕
新沈香亭子勾欄畔消得君王比太真元遺山未開海
棠云翠葉輕籠豆顆勻胭脂濃抹蠟痕新殷勤留著花
梢露滴下生紅可惜春枝間新綠一重重小蕾深藏數
點紅愛惜芳心莫輕吐且教桃李鬧春風元牟巖詩云
人物當今第一流以花為屋玉為舟曉妝未許褰幃看
夜醉何妨秉燭遊錦里宣華思舊夢杭州定慧起新愁
何如歸伴徐公飲穩結一巢花上頭袁士元詩云主人
愛花如愛珠春風庭院如畫圖褰衣曲徑步花影翩翩
夜月飛長裾海棠睡起春正美花貌參差玉人似主人

吟賞夜不眠直欲題詩壓蘓子馬祖常畫海棠圖云石
家五尺珊瑚樹海國千房火齊珠風雨春寒圍錦護艷
陽天暖倚闌扶沆時應貯芙蓉水香處重熏翡翠鑪紅
膩不隨蜂黷蝕粉勻終為蝶身敷歲粧絲結盤仙綬
積雲羅落舞襦青帝化成非幻有杜陵吟老却知無催
開每賴斟鸚鵡吹落還因唱鷓鴣曾見赤城花亞蕊丹
鉛此去不須圖虞伯生饒世英所藏錢舜舉海棠云睡
起多情思依稀見太真一枝紅淚濕似憶故園春柳貫
題折枝海棠圖云東風庭院紫綿香翠碧飛來午影長
啼溼紅妝看不厭祇疑春色在昭陽黃庚詩云臉暈輕

紅酒力微真妃半醉夜深時杜鵑叫落花梢月獨倚東
風睡不知歐陽元為琅溪題折枝海棠云點綴春風只
一枝此花猶是半開時更令老杜如今見便是無情也
賦詩貢師秦題錢舜舉折枝海棠云玉環睡起嬌無力
膩粉微勻酒暈生不是開元寫遺恨世間那得見傾城
楊廉夫維楨折枝海棠云金屋銀缸照宿妝一枝分得
錦雲鄉梅郎底事多餘恨怪煞珊瑚不肯香貢性之白
描海棠花云美人睡起不奈愁弄粉調朱只漫羞閒倚
綠牕春晝靜雙鸞飛上玉搔頭金涓趙昌海棠圖云銀
燭燒殘夢未回舊家庭院已荒苔玉簫聲杳人何處惟

有東風燕子來
余忠宣闕題光祿主事虎仲桓海棠圖
云沉香羯鼓弄春杯
席上纔看半作堆
爭似君家屏障裏
年年歲歲有花開
李冶墨海棠云漢宮愁絕冷胭脂
一醮劉郎兩鬢絲
甲帳夜寒銀燭短
六銖雲帔獨來時
丁鶴年畫海棠云暖日脂烟凝曉困
東風翠袖倚春酣
一枝貌得渾相似
翻覺情濃思不堪
顧瑛詩云怪底海棠能狡獪
今年當暑著花鮮
露黏粉蝶生珠汗
日炙猩紅上紫綿
夢斷馬嵬春信遠
神遊金谷晚妝妍
獨憐向歲題詩者
不見燒燈花樹前
釋至仁句云月裏精神今更好
雨中顏色向來新
明徐幼文貴雪溪海棠云一枝

寫出玉容嬌桃李漫山恨未消惆悵東闌明月夜半酣
西子貌難描楊孟載基西省海棠云山西公子虬髯客
到處尋梅認香白春風省掖海棠開暫去還來拋不得
嗟我有癖常自笑不意逢君同此癖曉牕雲暖風日妍
數朶娉婷春半坼睡損紅綃膩有痕舞酣金殿嬌無力
銀燈不如微月照珠簾更著踈烟隔飛燕輕盈富貴姿
玉環態度神仙格此日凝妝青瑣外當時擅寵沈香北
繁開似妬却冥冥半吐欲言終默默豈惟人愛亦自愛
不獨春惜當誰惜細雨重陰也看來莫對空枝漫相憶
又海棠圖云沈香亭北繞闌栽曾藉花奴羯鼓催今夜

不須銀燭照待他明月上枝來
吳明卿國倫詩云仙署
名花海國移半開風雨倍含姿
紅妝向客寒猶膩翠幔
留春艷不支欹側漫同妃子
醉婆婆解乞沈郎詩梁園
多少青陽景如殺君家赤玉
枝楊升菴興教寺海棠云
雨樹繁花占上春多情誰是
惜芳人京華一朵千金價
肯信空山委路塵薛君采蕙
海棠畫扇云西蜀繁花樹
春深亂蕊紅還憐彩扇上宛
似錦城中影轉團團月香
含細細風江淹才力減賦爾
若為工徐昌穀禎卿書海
棠扇云春風吹墮胭脂淚散
作天花一樹丹可奈五更
清夢短杜鵑聲裏雨絲寒
張虛菴祥鳶句云望中落日

青絲騎夢裏東風瓊樹枝黃淳父姬水天妃宮西域海
棠云仙觀臺荒蔓草中海棠一樹太憎紅可憐亦是星
槎物不學葡萄入漢宮董少玉詩云小樓風定月初斜
紫玉新枝縮洛霞睡起不堪重秉燭春來愁煞海棠花
張銘盤新詩云雨滋霞襯入朱顏月下疑從姑射還最
是春工多巧思著將色在淺深間近時張稷若爾岐垂
絲海棠云海棠臨堦側盡意作春妍綴枝千萬蕊蕊蕊
含新烟笑靨迎霽景旖旎生自然分明綺閣上錦幃列
嬋娟躡綠弱難持濃暈情愈嫵粉澤互照耀朱袖紛聯
延姿態既各殊逐好如相先野人久寂寞感異多流連

昨夜覺風和繁花滿樹顛默默念終始情此一時鮮王
漁洋詩云韋曲城南十萬家東風處處酒旗斜不知令
節匆匆過猶見僧棲一樹花木魚聲靜沸香遲日午風
簾自在垂好是維摩方丈室恰逢天女散花時沒骨天
然別有情風流何處錦官城會禽圖裏依稀見安得徐
熙為寫生平陽池館亞枝紅移入香林便不同莫為叢
殘自憐惜梅家詩體擅江東又過宏衍菴海棠已化去
感懷愚山侍讀云十年不見謝宣城極目澄江遠恨生
白首重吟枯樹賦江潭憔悴庾蘭成張翰白元鎮貼梗
海棠云傲骨不堪折霞光片片結傷春恨自深綠袖啼

紅血王子下，穆暮春。偕友人慈仁寺看海棠，適為狂風
摧謝，感賦云：零落惟餘半面妝，風流還似舊徐娘。東風
不送還鄉夢，空向殘春妬海棠。曹澹餘申吉詩云：花朝
未到花先紅，美人顏色鬪春風。垂絲裊裊困無力，飄零
絕域難為工。經年憶別家園側，芬芳異種梨花色。他鄉
乍見卻衣緋，任是無香亦傾國。張蕭亭寶居邀宜兩看
采芝堂海棠云：山家多好景，君來合贈君。窈窕水上峰
蒼蔚，峰頭雲春雲。一夜化為雨，吹入庭前海棠樹。海棠
著雨爛漫花，映日迎風萬點霞。詩成共酌烏程酒，醉後
親煎顧渚茶。海棠未落君莫去，海棠落後君還家。家初

白詩云一番陰雨花期盡難得君家尚不春路隔西川
無好句眼明南郭又芳辰濃雲薄霧憐香意翠袖紅紗
絕代人還有挂帆惆悵在滿湖烟水夢河因又詩云滿
城烟柳正藏鴉好事偕尋老衲家幡影愛飄新埽地露
痕初綻半開花略宜步障遮濃日惜少鳴夷載後車肯
似旁人苦攀折一枝歸插帽簷斜又詩云笑口重開又
一竒小堂南北萬花枝同時被賞寧論晚明日來看定
悔遲無雨劇憐如許艷有風生怕不禁吹惟應火急邀
詩老趁取嫣紅撲酒卮謝方山重輝詩云春色欲滿園
園花爭鬪巧每憶花開時茲花開獨早顏色多淡紅

脂似者少但嫌易消歇不能待芳草攜壺就花茵眷戀
寧忍埽西蜀多此花東坡為絕倒如何杜陵翁吟詩獨
不道我欲窮其說攀條念已老高章之其倬詩云幾點
殘紅未委塵二分新綠染初勻種當祇樹鋪金日老伴
維摩示病身芳草一庭無過客小園三月又深春廣泉
花木偏顏色高挂朱牌禁看人錢稼軒維城畫貼梗海
棠云色從酣處便疑香况有嬌名冠衆芳若擬題詩邀
杜甫還應修梗借吳剛袁子才枚詩云春花開到海棠
枝天意來催艷體詩誰把嶠山萬重雪盡貽兒女作胭
脂東風盡力送紅潮人自消魂雪自飄不信天孫織雲

錦年年都挂此花梢聽得流鶯向曉催捲簾紫玉已成
堆生愁夜半成烟去自取銀燈照幾回當年妃子鬪風
華浴罷華清鬢小斜國色半酣紅玉軟至今留影漾牕
紗我亦曾披宮錦行昏昏春睡不分明輸他花上金衣
鳥裹着紅雲過一生九錫無人奏綠章自慚虛作紫薇
郎夢中綵筆珍珠字擬托朝雲寄數行申笏山甫詩云
匆匆忽得海棠看正及全開尚未殘那復尋思少年事
清尊紅燭對更闌淺白深紅映碧紗雲英何處訪仙家
春光滿眼常空過惆悵無端為此花愛吸紅霞入酒杯
不辭埽石坐蒼苔白頭縱有重來日未必剛逢爛漫開

愁向屏風見折枝多情舊喜放翁詩袁家自有公安體
便面休矜幼婦詞劉覲宸應陸詩云二月海棠開滿枝
絳綃曾記寫徐熙東風鎮日無人處簾外輕陰一樹垂
紅艷經春帶雨垂沈香亭北最相思夜來睡起嬌無力
卻似當年鮮笑時家梅舫伯詩云何須高燭照紅粧秋
色紛隨驛路長一自唐家來幸蜀無山不惜馬嵬香閨
秀何歷亭詩云海棠昨夜綻東風誰把胭脂點碧叢仿
彿華清香夢破玉顛猶自暈潮紅津門閨秀許雪棠十
月間海棠云移從香國種無雙幾見凌寒意不降日映
輕紅嬌帶淚風扶弱質笑迎牕朱門舊許宜春睡冷院

新看伴玉缸却恨杜公無好句空教十月渡寒江錢冠
之詩云人間有路覓神仙帶雨妝成只自憐睡起畫欄
春思遠醉餘綺閣晚風妍相逢一笑垂紅袖無那輕顰
倚翠鈿幾許倩魂招未得東君珍重養花天宋秦少游
觀在黃州飲於海棠橋老書生家海棠叢開少游醉卧
宿於此明日題其柱詞云喚起一聲人悄衾暖夢寒窗
曉瘴雨過海棠開春色又添多少社甕釀成微笑半破
癯歌共昏覺健倒急投牀醉鄉廣大人間小晁无咎補
之洞仙歌詞云羣芳未盡是海棠時候雨過寒輕好晴
晝最妖嬈一樹全是初開雲鬟小塗粉施朱未就全開

還自好駘宕春餘百樣宮羅鬪繁繡縱無語也應心恨
我來遲恰柳絮將春歸後醉猶倚柔枝恰黃昏一點愁
須共花同瘦石湖醉落魄詞云馬蹄塵撲春風得意笙
歌逐款門不問誰家竹只揀紅妝高處燒銀燭碧雞坊
裏花如屋燕王宮下花成谷不須悔唱關山曲只為海
棠也合來西蜀王梅溪點絳唇云絲蕊垂垂嫣然一笑
新妝就錦亭前後燕子來時候誰恨無香試把花枝嗅
風微透細熏錦袖不止嘉州有吳潛如夢令云江上綠
楊芳草想見故園春好一洞海棠花昨夜夢魂飛繞驚
曉驚曉窗外一聲啼鳥李廌南鄉子云六月小春天紅

葉紅花半雨烟點滴紅酥真耐冷爭先奪取梅魂鬪雪
妍坐待曉鶯遷織女機頭蜀錦鮮枝上綠毛么鳳子飛
仙乞取雙雙作被眠張奕帶人嬌云多少胭脂勻成點
就千枝亂攢紅堆繡花無長好更光陰去後對景憶良
朋故應招手曾記年時花開把酒枉淋淋春衫濕透文
園今病問速能來否却道有荼蘼牡丹時候劉處靜燭
影搖紅詞云蜀錦華堂寶箏頻送花前酒妖嬈全在半
開時人試單衣後花面圍春競秀如紅潮玉顙微透欲
甦還睡淺酒扶頭朦朧晴晝金屋名姝恨情空貯閒睂
岫世間還有此娉婷拚盡珠量斗真艷可令消受倩鶯

催天香共袖冷烟庭院淡月梨花空教春瘦謝邁念双
嬌云綠雲影裏把明霞織就千重文繡紫膩紅嬌扶不
起好是未開時候半怯新寒半宜晴色養得胭脂透小
亭人靜嫩鶯啼破清晝猶記攜手芳陰一枝解帶嬌艷
波雙秀小語輕憐花總見爭得似花長久醉淺休歸夜
深同睡明月還相守免教春去斷腸空嘆詩瘦王道輔
蝶戀花云濯錦江頭春欲暮枝上繁紅著意留春住祇
恐東君嫌面素新妝勝把胭脂傳曉夢驚寒初過雨寂
寞珠簾問有餘花否悵望草堂無一語丹青傳得癡情
處張材甫蝶戀花云前日海棠猶未破點點胭脂染就

真珠顆今日重來花下坐亂鋪宮錦春無那勝摘繁枝
簪幾朶痛惜深憐只恐芳菲過醉倒何妨花底卧不須
紅袖來扶我劉後村卜算子云片片蝶衣輕點點猩紅
小道是天工不惜花百種千般巧朝見樹頭繁暮見枝
頭少道是天工果惜花雨洗風吹了又摸魚兒詞云甚
春來冷烟淒雨朝朝遲了芳信驀然乍暖晴三日又覺
萬株嬌困霜點鬢潘令老年年不帶看花分才情減盡
悵玉局飛仙石湖絕筆辜負這春韻傾城色懊恨佳人
薄命墻頭岑寂誰問東風日暮無聊嘆吹得臙脂成粉
君試認花共酒古來二事天尤吝年光去迅謾綠葉成

陰青苔遍地做取異時恨方秋崖水龍吟云晝長庭院
深深春柔一枕流霞睡朦朧欲醒嬌羞還困錦屏圍翠
豆蔻初肥櫻桃微綻玉欄同倚記華清欲起渭水流波
暖紅漲棄脂水燕子來時天氣儘韶風與他為地芳叢
雨歇霞痕日釀英英仙意莫恨無香最憐有韻天然情
致待問春能幾五更猶是拚今宵醉明仁宗蝶戀花云
烟抹霜林秋欲困吹破鰾脂便覺西風潤翠袖怯寒愁
一寸誰家庭院黃昏信明月修容生遠恨旋摘餘嬌簪
滿任人鬢醉倚小欄花影近不應先有春風分近時陳
其年西府海棠滿庭芳云滿院紅綃半校絳雪幾叢艷

冶成圍倚欄無力嫩柳鬪腰肢粉壁銀牆淡雅明粧坐
人是瓊枝東風動花光映肉桃暈入冰肌胭脂剛蘸雨
一番梳裹別樣芳菲似六宮晝暖睡重場妃贏得三郎
一笑花前鬧急管繁絲豪華甚千堆蜀錦那用杜陵詩
趙谷林水龍吟云飄零又過清明晝簾淺揭湘紋翠雲
妝卸却纖膏餘在還勾蝶睡國色留情紅心訴恨綠陰
滿地數芳叢寂歷一痕殘綴嘆春事今休矣無那重攜
鳳蠟賦清筵臨風掩袂垂垂小住亭亭獨殿無多別淚
依約丰姿玉肌香減醉顏紅退悄憑闌不語菴無與伴
隔盈盈水

玉藥花奇品也所傳不一李衛公以為瓊花曾端伯以為
瑒花山谷以為山礬皆非也周益公云唐人甚重玉藥
花故唐昌觀集賢院翰林院皆有之非凡境也條蔓如
荼蘼柘葉紫莖花苞初甚微暮春方八出鬚如冰絲上
綴金粟花心復有碧筩狀類膽瓶其中別抽一莢出衆
鬚上散為十餘莖猶刻玉然故名徐積改為玉女花又
名瑤真元以後無詠之者唐巖休復詩云味道齋心禱
玉宸魂銷冷眼未逢真不如滿樹瓊瑤藥笑對藏花洞
裏人羽車潛下玉龜山塵界何由覩薜顏惟有無情枝
上雪好風吹綴綠雲鬟張文昌籍同巖給事聞唐昌觀

玉蕊院近有仙過因成絕句二首云千枝花裏玉塵飛
阿母宮中見亦稀應共諸仙鬪百草獨來偷折一枝歸
五色雲中紫鳳車尋仙來到洞仙家飛輪回處無踪跡
惟有斑斑落地花劉夢得禹錫和云玉女來看玉樹花
異香先引七香車攀枝弄雪時回首驚怪人間日易斜
雪蘂瓊絲滿院春羽衣輕步不生塵君平簾下徒相問
長記吹簫別有人白樂天居易和云羸女偷乘鳳下時
洞中潛歇弄瓊枝不緣唬鳥春饒舌青瑣仙郎可得知
又惜玉蘂花有懷集賢王校書起云芳意將闌風又吹
白雲離葉雪辭枝集賢讐校無閒日落盡瑤華君不知

楊秘書巨源唐昌玉藥花云晴空素艷照霞新香灑天
風不到塵持贈昔聞將白雪藥珠宮上玉華春王仲初
建詩云一樹瓏鬆玉刻成飄廊黠地色輕輕女冠夜覓
香來處惟有階前碎月明王琪詩云玉蕊生禁林地崇
姿亦貴散漫溪谷中蓬茨復何異清芬信幽遠素彩非
妖麗蒼烟蔽山日瓊瑤為之晦歲久自扶踈巖深愈幽
邃請觀唐相吟俗眼無輕視唐昌觀中樹曾降九天人
鑿駕久何許雪英如舊春豈無遺佩者來效捧以顰李
衛公德裕詩云玉藥天中樹金閨昔共窺落英閑舞雪
密葉乍低帷舊賞煙霄遠前歡歲月移今來想顏色還

似憶瓊枝沈傅師詩云曾對金鑿直同依玉樹陰雪英
飛舞近煙葉動搖深素萼年年密衰容日日侵勞君想
華髮僅欲不勝簪楊凝唐昌觀玉蕊花云瑶花玉藥種
何年蕭史秦嬴向紫烟時控彩鸞過舊邸摘花特獻玉
皇前宋徐鉉詩云瓊瑶一簇帶花來便劔蒼苔手自栽
喜見唐昌舊顏色為君判病酌金罍徐仲車積瑶真詩
二首云此花所在宜開館彼玉維瑶合比君每到黃昏
成淡月却臨曉後作團雲人間偽采何如質物裏孤芳
自勝羣應笑馬嵬坡下女太真為號繫黃裙不知記得
瑶林否故國曾陪閨苑春色貌易分渾是正性情雖辨

總歸真紅塵世上無雙物白雪宮中第幾人若問誰何
名玉女一般嚴靜敵霜神又玉女花二首云楊花可與
名玉妃楚花可與名玉女天上瑤臺是本居人在月宮
合同處一點難容赤水霞平生冷笑巫山雨此女持身
色太嚴玉壁如盤求不許國艷雖殊情太少蛾眉不畫
雙瞳瞭新就明河洗面來更佩明珠蹋瑤草不用朱鸞
與紫霞玉麒麟駕白雲車君看面上都無邪更看身上
都無瑕越王國女金可邀卓王孫女琴可招更有秦王
家弄玉嫁人只被愛吹簫楊東山詩云纔入平園便有
聲唐昌觀裏久知名已堆玉盞分金粟更插銀花入翠

罌蘿蔓春風藤薛長山礬香氣晉齊盟世間百卉應無
限不遇王公枉一生周益公詩云食菜曾饗三百困種
花重看一番新洞仙舊賞淪無跡工部高吟必有神疊
雪雅宜歌白雪送春仍欲買青春向來偽帖今冰釋從
此佳名編廣輪又詩云姑射山前雪照人長安水畔態
尤真步搖翹玉中心整瓔珞塗金四面勻常笑荼蘼藏
琅藥獨陪芍藥殿餘春自從唐氏來天女直到平園見
後陳鄭松牕域詩云維揚后土廟瓊花安業唐昌宮玉
蕊判然二物本不同喚作一般良未是瓊花雪白輕壓
枝大率形模八仙耳山溪行路多見之樵夫摧殘如獮

薤比之玉蘂似寶非金粟冰絲那有此花鬚中有碧膽
瓶別出瓏璁高半指清馨靜夜衝九天招引瑤臺玉仙
子垂風躍馬汗漫遊偷折繁香分月姊紫莖柘葉茶蘼
條少到尋常人眼底翰林內苑集賢閣雨露承天近尺
咫後人不識天上花又把山礬輕擬比葉酸而澀供染
黃不著霜縑偏入紙江鄉老少知此名鄭栲塲音無正
字方言土諺隨舌訛烏馬成焉固應爾余按此詩剖晰
形容絕肖

瓊花異品也揚州后土廟有之齊東野語曰瓊花天下無二本絕類聚八仙色微黃而有香仁宗壽皇帝移植禁中輒枯載還祠敷榮如故其後宦者陳源取孫枝移接聚八仙根上遂活然其香色大減今后土廟之花已薪而人間所有者特當時接本髣髴似之耳宋鄭興裔云瓊花天下無雙昨因北騎侵軼或謂所存非舊疑黃冠以聚八仙補之但有不同者三瓊花大而瓣厚色淡黃紫柔而瑩澤蕊與花平不結子而香聚八仙花小而瓣薄色漸青葉粗而有芒蕊低於花結子而不香故不同耳明郎瑛瓊花辨云昨見宋畫瓊花真似野八仙但多

一頭九朶簇成者然亦未知孰是謝肇淛五雜俎云瓊花種既不傳論者紛紛楊用修以為即梔子花仁色微黃與梔子何異七修類稿謂不但瓊花不傳即聚八仙亦不知何似而以繡球當之余謂郎仁寶楊用修皆因不識聚八仙故遂妄模瓊花耳余在濮州見有花如茉莉而八朶為一簇曰聚八仙也然則瓊花既云絕類則亦必八朶相簇當時既云天下皆無惟揚州一株則必天生別一奇種而乃求目前常有之花以實之宜乎說之益混也花經瓊花二品八命聚八仙六品四命宋徐積有歌宋張問元郝經俱有賦宋杜旂有記宋王元之

后土廟瓊花云誰移琪樹下仙鄉二月輕冰八月霜若
使壽陽公主在自當羞見落梅粧春冰薄薄壓枝柯分
與清香是月娥忽似暑天深澗底老松擎雪白婆婆劉
原父敞移瓊花云淮海無雙玉藥花異時來自八仙家
魯人未覩天中樹乞與春風賞物華又詩云東方萬木
競紛華天下無雙獨此花那有雪英凌暖日不為琪樹
隔流沙祠城寂寞春空老江雨冥濛日易斜仙品國香
俱妙絕少傾高興盡流霞韓魏公后土廟瓊花云維揚
一株花四海無同類年年后土祠獨此瓊瑤貴中含散
水芳外圍蝴蝶戲餘醺不見香芍藥暫多媚扶踈翠蓋

圓散亂真珠綴不從衆格繁自守幽姿粹嘗聞好事家
欲移京轂地既違孤潔情終悞栽培意洛陽紅牡丹適
時名轉異新榮托舊枝萬狀呈妖麗天工借顏色深淺
隨人智三春愛賞時車馬喧如市草木稟賦殊得失豈
輕議我來首見花對花聊自醉胡武平宿后土觀瓊花
云楚地五千里揚州獨一株香名從此貴芳格灑來殊
國艷何勞粉天香不掩瑜濃薰霏麝氣細蕊列蜂鬚雲
朶垂三素仙衣著六銖吳中休插柰天上枉栽榆神物
疑長擁靈根此未枯人間如定價百琲睡龍珠孔武仲
瓊花畫軸云我欲遊廣陵江湖浩難涉喜有瓊花枝相

隨在中篋壯人初不識謂是玉蝴蝶天記絕世艷乃以
方姬妾古祠惟一株他種不欲接春風亂百草紅紫鬪
紛燼皓然姑射姿豈少朱粉頰鐵幹已爭嶸雲朶正稠
疊書林日清閑萬慮坐收攝悠然對妙筆頗與幽興愜
髣髴未易得吟思舌徒聶徐仲車積瓊花歌云春皇自
厭花多紅欲得花顏如玉容春皇青女深相得先教斂
與秋霜色乃有雪月供光星榆獻白斛量銀漢琉璃濕
人間美玉搗作灰荆山崑山鬼神泣天上有人名玉女
投壺之外能為素姑射神人解種花先須此物為根芽
天罅地竅掬精粹蟾身驪頷偷光華其時正值天地交

二氣上下陰陽調此花孕育得其正其間邪氣無纖毫
所以其色為正色出乎其類拔乎萃一如君子有諸內
晬然其色見於外三月將盡四月前百花開盡春蕭然
揚州日暖花開未春香不動花房閉仙掌秋高玉露濃
鮫人泣下珠璣碎黃鸝本是花中客啼盡好聲求不得
春皇費盡養花心春風使盡開花力春歸鶯去花始開
誰人放出深閨來唐家天子太平時太真浴罷華清池
紅裳繡袂厭君眼更作地仙披羽衣麻姑睡起蓬萊島
風吹玉面秋天曉洛川女子能長生水中肌骨成瑤瓊
褒姒不見諸侯兵盡日不笑如無情定玉移家安在哉

東鄰不畫胭脂腮卓文君去成都速錦衣金翠慵裝束
吹簫容貌果何如見說其人名弄玉若比此花俱不足
淫妖怪艷文之累一如婦人有賢德不為邪色亂正色
媚居之女能自持終身惟著大練衣又如正色立朝者
不以柔媚為姦欺以此論之乃可重人之不正將胡為
論德乃是花之傑論色乃是花之絕洛陽花名古云好
看花須向揚州道君不見去年花下吹黑風霹靂閃電
搜玉龍此時半夜花光中不覺屈曲蟠長虹又不聞天
上琳琅樹種在烟霞最深處白雲枝葉白玉英此花莫
是琳琅精此花愛圓不愛缺一樹花開似明月襄王半

夜指為雲謝女黃昏今作雪杏花俗艷梨花麤柳花細
碎梅花踈桃花不正其容冶牡丹不謹其體舒如此之
類無足竒此花之外更有誰世非紅紫不入眼此花何
用求人知詩人自與花相期長告年年乞一枝呂居仁
本中謝人送瓊花云凝烟欲滿讀書牕忽有瓊花樹小
缸更喜風流好名字百金一朶號無雙斷腸風味久難
尋尚有名花寄此心折盡春枝春已晚只宜良月不宜
陰趙紫芝師秀詩云香得坤靈秀氣全藥珠團外蝶翻
翩親曾后土祠中看不是人間聚八仙王洋詩云愛竒
造物剪瓊瑰為鎮靈祠特地栽事紀揚州千古勝名居

天下萬花魁何人斫却依然在甚處移木不肯開浪說
八仙模樣似八仙安得有香來趙崇國炎詩云名擅無
雙氣色雄忍將一死報東風他年我若修花史合傳瓊
花烈女中方秋崖非瓊花云舊聞瓊花無與雙專竒擅
美名此邦江南清夢入詩府安得一念令心降去年騎
鶴揚州住斗酒屢眠雲霧窓月寒雪冷花未吐正爾俗
葉凡株椿心期妙處在真實不假羽節青霓幢今春訪
花吾第一自折繁枝盛翠缸橫看倒睨掉頭語前詩後
賦何其詭真珠碎簇玉蝴蝶直與八仙同一腔聞名見
面足笑筦強為花辦幾愚憊有如巨賢雜羣小望而可

識為竒厖陳餘張耳信相似一等人耳無純老忠耶佞
耶豈難別祝鮀不類關龍逢試持此論訊后土謂予不
信如長江又詩云杜宇聲中鬢欲華春風將綠又天涯
欠隨江夏無雙士共看揚州第一花想像烟雲人跨鶴
淋漓詩句字棲鴉蹇驢不管唐衫濕醉兀歸鞍暮雨斜
徐意一謝瓊花云瓊蕤走送寶瓶花愧乏詩情游拜嘉
一種清香來月殿十分雅態出仙家細看后土春冰薄
未覺劉郎日影斜擬跨胎禽塵幾隔珠簾十里自繁華
玉月浦詩云蕃釐觀裏瓊花樹天地中間第一花此種
從何探原委東風無處著繁華千鬢簇蝶團清馥九萼

聯珠異衆葩幾見朱衣和露翦金瓶先迓帝王家元劉
夢吉因瓊花圖云淮海秀瓊枝獨立映千古遙知辨此
物坤靈心亦苦平生勞夢想江烟隔南浦春風不相待
回首似焦土畫圖今見之依稀春帶雨芳心紛已碎仙
葩聚如語瑤臺舊高寒人間此何所翩翩風袂輕幽香
暗相許尹廷高詩云無雙亭下萬人看欲覓殘陰一片
難夜靜月明猿夜唳誤翻玉雪墮闌干趙文瓊花上天
歌云朔風吹沙堆浪白二十四橋沈冷月顛風夜半撼
蕪城雪萼瓊絲破空碧金瓶歲歲獻君王玉罌泛酒連
花香明光殿暗沙漠遠人自無情花斷腸落葉飛天識

天路何如拔樹飛昇去唐昌游女再歸來城中只有瓊
花露江南俘客吟如叫想像裁辭不成調天宮夜半按
霓裳玉女擎花紫皇笑謝應芳瓊花行云揚州好花非
不多奈爾絕品無雙何水沈香漬素玉藥琉璃滑葉青
瑤柯東風二月花時節二十四橋香浸月小山叢桂避
芳塵東閣官梅褪殘雪向來名士多品題括香御史今
亦知何日移春獻天子不負此花天下奇楊廉夫詩云
后土璠仙屬內家揚州從此絕名花君王題品容誰並
萼綠宮中萼綠華近時高念東珩瓊花觀云錦帆千里
赴雷塘小杜風流事已荒何處瓊花歸劫火蕭蕭鴨脚

端長廊漁洋和云揮手蕃釐十六秋年不無復夢揚州
因君鴨脚長廊句喚起瓊花一段愁趙雲崧翼題瓊花
觀圖長卷云廣陵胭脂氣薰天惱得天花欲妬妍一朝
飛來蕃釐觀要與色界爭新鮮三千殿脚萬饒果拚擲
江山就花坐南朝枉自誇瓊枝艷殺羣芳無一朶風流
賢守惜花心更榜無雙白石亭想見滿城遊女集夜歸
齊妬玉娉婷司花天女偏膽小驚失瑤林一株好急遣
巫陽下界尋收得香魂天未曉從此人間不復見附書
難托風箏線花生花死一千年只當優曇纔一現我來
訪古步庭墀但有丹青一幅遺兔葵燕麥久荒寂樓臺

猶仗虛名支月下佩環招不得卷中人可崔徽識挑燈
題罷露臺寒一樹冬青夜深黑宋晁无咎補之下水船
詞云百紫千紅翠惟有瓊花特異便是當年唐昌觀中
玉蕊尚記得月裏仙人來賞明日喧傳都市甚時又分
與揚州本一朶冰姿難比曾向無雙亭下半酣獨倚似
夢覺曉出瑤臺十里猶憶飛瓊標致向伯恭子謹醜奴
兒云無雙亭下瓊花樹玉骨雲腴傾國稱姝除却揚州
是處無天教紅藥來驂乘桃李先驅總作花奴翠擁紅
遮到玉都鄭覺齋揚州慢云弄玉輕盈飛瓊淡泞襪塵
步下迷樓試新妝纔了注沈水香毬記旣翦春冰馳送

金瓶露溼緹綺新流甚中天月色被風吹夢南州樽前
相見似羞人踪跡萍浮問弄雪飄枝無雙亭上何日重
游我欲纏腰騎鶴煙霄遠舊事悠悠但凭闌無語烟花
三月春愁趙虛齋以夫揚州慢云十里春風二分明月
藥山飛下瓊樓看冰花剪剪擁砌玉成毬想長日雲堦
竚立太真肌骨飛燕風流歛羣芳清麗精神初付揚州
雨窻數朶夢驚回天外香浮似閨苑花神憐人冷落騎
鶴來游為問江淮風景長空淡烟水悠悠又黃昏羌笛
孤城吹起新愁蜀後村昭君怨詞云后土祠中標韻天
上人間一本道號玉真妃字瓊姬我與花曾半面流落

花前重見莫把玉簫吹怕驚飛又賀新郎云辜負東風
約憶曾將淮南草木筆端籠絡后土祠中明月夜忽有
瑤姬跨鶴迴不比水仙低弱天上人間惟一本倒千鐘
瓊露花前酌迨往事恁恁却移根應費仙家藥謾回頭
關山信斷堡城笳作問訊而今平安否莫遣玉簫驚落
但畫卷依稀描著白髮愧無渡江曲與君家子敬相酌
醉新舊恨兩交錯施芸隱摸魚兒詞云柳蒙茸暗凌波
路烟霏慘淡平楚七香車駐猊璫掩遙認翠華雲母芳
景暮鴛鴦悄銖衣未按飛瓊舞淒涼洛浦漸玉漏沉沉
清陰滿地乘月步虛去銷凝處誰說三生小杜翔螭聲

斷簫鼓情知禁苑酥塵浣羞與倡紅同譜春幾度想依
舊苔痕長印唐昌土風流千古人在小紅樓珠簾半捲
香注玉壺露馬莊父滿庭芳詞云共慶春時滿庭芳思
一枝玉蘂非常少年遊冶何但折垂楊曾向瑤臺月下
逢解佩玉女翻香風光好真珠簾卷都勝早梅芳人間
無比並蝴蝶樹爭敢相方既春歸後此意難忘夜夢揚
州萬玉飛魂共紫燕歸梁須行樂馬家花圃不肯醉紅
妝又賀新郎云客裏傷春淺問今年梅蕊因甚化工不
管陌上芳塵行處滿可計天涯近遠見說道迷樓左畔
一似江南先得煖向何郎庭下都尋遍辜負了看花眼

古來好物難為伴只瓊花一種傳來仙苑獨許揚州作
珍產便勝了千千萬萬又却待東風吹綻自昔聞名今
見面數歸期屈指家山晚歸去說也稀罕周公謹密瑤
花云朱鈿寶玦天上飛瓊比人間春別江南江壯曾未
見謾擬梨雲梅雪淮山春晚問誰識芳心高潔消幾番
花落花開老了玉關豪傑金壺翦送瓊枝看一騎紅塵
香度瑤闕韶華正好應自喜初識長安蜂蝶杜郎老矣
想舊事花須能說記少年一夢揚州二十四橋明月張
仲舉翥喜遷鶯云東風吹盡但一片綠陰空留春恨后
土祠荒飛璫謫久還喜玉容堪認二十四橋夜月二十

四番花信便載酒怕芳菲易老陰晴難穩嬌困羞起晚
竚立畫闌淨洗閒脂粉沉水濃薰蜂黃淡染自有絕塵
香韻也知世間無對肯許浮花相近鳳簫遠待數枝折
與玉峰人問

玉蘭花清品也九瓣色白微碧香味似蘭故名一幹一花
昔者木末絕無柔條立春開至二月亦有黃者宋人因
其早於辛夷以為迎春今申陽衙齋有一株根堪合抱
花開日數十里外望之如玉山惜無知者故附記之瓶
花譜玉蘭六品四命稱之曰玉樹望之如玉山比之如
玉人明文徵仲徵明詩云綽約新妝玉有輝素娥千隊
雪成圍我知姑射真仙子天遣霓裳試羽衣影落空階
初月冷香生別院晚風微玉環飛燕元相敵笑比江梅
不恨肥陸平泉樹聲詩云葱蘢芳樹雨初乾樽酒花前
洽笑歡日是簾櫳晴噴雪風迴齋閣氣生蘭參差玉佩

排空出爛熳香鱗擁醉看自是東君苦留客莫教絃管
易吹殘王鳳洲世貞詩云暫籍辛夷質仍分蒼蘂光微
風催萬舞好雨淨千妝月向瑤臺並春還錦障藏高枝
凝漢掌艷蕊勝唐昌神女曾捐珮宮妃欲試香誰為後
庭奏一曲按霓裳沈啓南周詩云翠條多力引風長點
破銀花玉雪香韻友自知人意好隔簾輕解白霓裳張
茂吳詩云千花紅紫艷陽看素質搖光獨立難但有一
枝堪比玉何須九畹始徵蘭唐昌的的春猶淺漢掌亭
亭露欲溥幾曲後庭傳樂府張星和月正闌干陸師道
詩云渺渺微風約珮環楚江晴落現屏間玉人心遠瑤

琴歌一卷離騷對掩關
畦東蓀石詩云霓裳片片晚妝
新東素亭亭玉殿春已向丹霞生淺暈故將清露作芳
塵王穀祥詩云皎皎玉蘭花不受緇塵垢莫漫比辛夷
白賁誰能偶近時宋牧仲犖虎邱玉蘭云名花傳虎阜
輪囷不知年爛漫春風裏憑凌玉樹前香能尋小閣雪
欲障遙天共道今番盛沿溪簇畫船花光滿幽谷苔色
映高墻細雨一來灑空山不斷香佳人曾對舞初地任
持觴七字天隨句風流獨擅場朱竹垞彝尊詩云雪後
玉蘭樹二本何句停居然華林闕卑鉢羅滿庭雖無裂
帛香照眼光瓏玲重重傳瓊粉寸寸排銀釘有時風吹

墮素影逾娉婷交枝露綫雷千苞壓繩櫺色殺辛夷紫
體變珊瑚青因憶虎邱北斜柯倚巖扃歲久朽其腹吐
萼猶豐馨此時更竒絕乘興思開舲惟愁凍塗滑况復
密霰零不知雙樹底淡坐憐松惺錢稼軒維城詩云皎
皎臨風吐碧糝輞川春塢舊丰姿藍田種與瀟湘畹合
傳分明是女夷杭大宗世駿題玉蘭云剖此八瓣花團
作二月雪高枝撐槎枒恨不化九節李少鶴憲喬詩云
靄靄澄春霽松間映獨朙月來無定所香散不勝清稍
動臨風影如聞墜地聲祇應魂夢裏皎潔感精誠先叔
祖榕巢公虎邱後山玉蘭花歌云我昔曾作虎邱遊後

山却為半日留是時六月花事過玉蘭老樹槎枒稠樓
臺層疊塞花界花身局脊地湫溢可惜名花未得觀別
來荏苒光陰邁六年久住烟瘴陸每遇花期徒自悲今
春再鼓姑蘓櫂正及名花爛漫時提樽攜榼尋清福身
入空濛萬花谷廊深軒敞異當年有人重闢看花屋玲
瓏一樹照山明恍然閬苑同香城瓊榦橫斜還跨壁瑤
枝低亞復連楹氤氳一院春光暖花氣騰霄天地滿大
者萬朵萬玉觥小者千朵千玉盃十分開綻一分殘飛
花瓣瓣飄輕紈堆階鋪徑盈尺厚落英歷亂如裊攤蜂
蝶紛紜時出沒我坐花間心忽忽朦朧兩眼更模糊誤

將白日為明月把酒高歌嘯且呼四圍花覆居冰壺醉
倒花前枕石卧顛狂欲喚花神扶嗚呼此花聞說種宋
代風雨飄搖多變態千百餘年似鳥過遊人覩物興懷
慨花謝花開歲遞遷花容幾見夕陽天嗟余雙鬢星星
改羞對名花虎阜邊趙雲崧翼虎邱寺玉蘭樹歌云蒼
山變作白頭坐訝許夜來春雪大豈知中有逆風香一
樹琪花開萬个槎枒老榦老不死幻出蛟虬半空卧干
霄欲鬪星榆高拔地應嗤澗松挫千步長廊圍不住雙
出簷頭試掀簸幸渠占天不占地不然將塞古寺破是
時花光正爛熳瓊盞銀盤炫竒貨似入蕊珠宮幾重豈

移羣玉峰一座素華迴耀滿山朗落英堪飮萬夫餓根
定千人石盡蟠芬真七里塘俱播翻疑列真此開筵玉
屑霏成九天唾十丈蓮漫昌黎誇千年桃在方朔賀噫
嘻乎世間縱有豫章材多在深崖路坎坷茲獨生長人
海中萬古能逃斧斤剗得非身本紫玉魂常有百靈為
遮邏閱盡遊人珠翠妝伴他老衲鐘魚課我來摩挲特
矜寵捫筆題詩少人和笑比岳陽老樹精可識回仙朗
矚過金醉墨永昌詩云二月迎春早放花亭亭獨立占
韶華質非湘畹成蘭品種豈藍田吐玉葩盡著縞衣空
際舞不勞雲幌夜來遮謝庭見說枝枝秀瓊樹天生在

一家閨秀錢冠之詩云天風吹下董雙成瑤島雲開一
片明幾樹影侵迢遞夜動人愁露淺深情吹殘雪蕊黃
金寶舞破霓裳碧玉笙猶記朝寒好丰格相逢不復夢
華清陳其年維崧東風第一枝詞云細雨搏酥好風搓
粉枝枝斜壓闌檻墻邊無限玲瓏樓頭許多掩冉瓊姿
簷外總不受蜂侵蝶犯自生成別樣心情誰耐風光穠
艷隔著水盈盈飄颻籠著霧亭亭雅淡似憎杏把紅薰
微嫌桃將絳染空濛皎潔來相伴空房小膽罨玉樓一
片花光逼得盤龍鏡暗又看花迴云春山淡冶如笑風
光鮮潔梵閣斜盤碧磴恰千點瓊葩瓏瓏纒結花明玉

淨小鬪山窻鶯語滑憐少室珠樹輕分天花無著姿清
絕想只有山間白月還記省鬢院根節誰伴深林清苦
只幽澗蘭心亂岨石髮孤情絕照古寺誰曾經浪折半
簷花千嶂瀑看煞難分別又玉蘭花餅二郎神詞云東
風寂靜幾樹珠明雪映低亞玉羅窻篩碎小秋千影陰
晴難定粉漾衣裳休點了怕惹起香閨春病向花下盈
盈小摘付與當爐說餅嬌靚薄抵蟬紗圓踰月鏡想厨
孃拍螺紅一縷牢丸上纖痕猶凝粉殘莫悵佳人命相
賞有金罇綠茗也省到鷓啼萬片飛瓊拋街填井

--	--	--	--

辛夷秀品也一名辛雉一名新雉一名侯桃一名木筆一
名迎春一名望春一名房木二月開花似蓮而小如盞
紫苞紅焰作蓮及蘭花香有桃紅及紫二色又有鮮紅
似杜鵑俗稱紅石菴是也花經辛夷四品六命唐裴處
士廸詩云綠堤春草合王孫自流翫况有辛夷花色與
芙蓉亂樂天詩云紫粉筆含尖火燄紅胭脂染小蓮花
芳情香思知多少惱得山僧悔出家微之詩云問君辛
夷花君言已斑駁不畏辛夷不爛開顧我筋骸官束縛
縛遣推囚名御史狼藉囚徒滿田地明日不來緣國忌
依然不得花前醉韓員外家好辛夷開時乞取三兩枝

折枝為贈君莫惜縱君不折風亦吹皮襲美詩云臘前
千朶亞芳叢細膩偏勝素柰功螭首不言披曉雪麝臍
無主任春風一枝被拂成瑤圃數樹參天是蕊宮應為
當時天女服至今猶未放全紅陸魯望和云柳疎梅墮
少春叢天遣花神別致功高處朶稀難避日動時枝弱
易為風堪將亂蕊添雲肆若得千株便雪宮不待羣芳
應有意等閒桃杏即爭紅按宋以前無詠玉蘭者當時
蓋俱以辛夷命名皮陸所詠
實玉吳子華融詩云嫩如新竹管初齊粉膩紅輕樣可
蘭也攜誰與詩人偎檻看好於牋墨併分題歐陽炯詩云含
鋒新吐嫩紅芽勢欲書空暎早霞應是玉皇曾擲筆落

來地上長成花宋韓魏公詩云辛夷吐高花衛公曾手
植根洗今已非不改舊時色平泉幾易主况乃刺史宅
放翁句云粲粲女郎花忽滿庭前枝繁華雖少減高雅
亦足竒朱長六詩云楚客曾留詠吳都獨擅竒風霆存
老榦桃李避芳時名入文房夢功資妙手醫紫薇顏色
好先占鳳凰池元宋子虛无句云乙鳥歸來社辛夷開
過春明李賓之詩云泚露和烟曉未乾多情獨自倚闌
干春風為報真消息不是江郎夢裏看張銘盤新詩云
夢中曾見筆生花錦字還將氣象誇誰信花中原有筆
毫端方欲吐春霞馮文度詩云木筆花名映碧欄詞臣

相對動毫端曉來似惹松烟濕擬向春風詠牡丹朱曰
藩辛夷花曲云昨日辛夷開今日辛夷落辛夷花房高
刺天却共芙蓉亂紅萼小山桂樹猶連卷五湖荷花空
綽約連卷綽約宜秋日端居獨養徵君疾高枝朶朶艷
木蓮密葉層層賽盧橘山鬼已見駕香車文人應是夢
綵筆辛夷辛夷何離竒照水偏宜姑射姿蕭晨東海霞
光爛元夜西園露氣滋檀心倒卷情無限玉面低徊力
不支見說東都便露坐惟應御史殢風吹此花愛逐東
風暖故人逸韻嵇中散山陽聞有合驩齋石湖亦築辛
夷館嫋嫋巖櫳碧樹圓紛紛磻戶香花滿塢裏王孫舊

路長卷中裴廸新詩短新詩已舊不堪聞江南荒館隔
秋雲多情不改年年色千古芳心持贈君吳原博畫冊
木筆云半含成木筆本號是辛夷一樹石庭下故園增
我思陳眉公詩云春雨濕窗紗辛夷弄影斜曾窺江夢
彩筆筆忽生花

三三三

六日

三

木蘭絕品也一名木連一名黃心一名材蘭一名杜蘭廣雅以為桂蘭一名廣心樹似楠葉似菌桂有三道縱紋皮似板桂有縱橫紋花似辛夷內白外紫四月初開不結實亦有四季開者又有黃紅白數色蜀都賦注以為其實如小枳可食其木可以為舟徐君義言古有木蘭而無玉蘭今有玉蘭而無木蘭閩小記謂木蘭即玉蘭殆未深考晉成公綏唐李華宋徐鉉俱有才蘭賦唐劉文房長卿詩云庭種南中樹年華幾度新已依初地長獨發舊園春映日成華蓋搖風散錦茵色空榮落處香醉往來人菡萏千燈遍芳菲一雨均高柯倘為楫渡海

有良因樂天詩云紫房日照胭脂坼素豔風吹膩粉開
悟得獨饒脂粉態木蘭曾作女郎來又題令狐家木蘭
花云膩如玉指塗朱粉光似金刀剪紫霞從此吐時春
夢裏應添一樹女郎花義山詩云二月二十二木蘭開
坼初初當新病酒復自久離居愁絕更傾國驚新聞遠
書紫絲何日障油壁幾時車弄粉知傷重調紅或有餘
波痕空映襪烟態不勝裙桂嶺含芳遠蓮塘屬意踈瑤
姬與神女長短定何如方雄飛干詩云昔見初栽日今
逢成樹時存思心更感遶看步還遲蝶舞搖風蕊鶯啼
含露枝徘徊不忍去應與醉相宜陸魯望詩云洞庭波

浪渺無津日日征帆送遠人幾度木蘭身上望不知元
是此花身裴廷裕句云微風微雨寒食節半開半合木
蘭花宋鄭毅夫獬句云永識春風面先聞樂府名洗糝
儂出塞進艇客登瀛張芸叟舜民詩云石上紅花低照
水山頭翠篠細含烟天生一本徐熙畫只欠鷓鴣相對
眠劉招山儼詩云曉來隨手抹新糝半額蛾眉宮樣黃
銖衣洗就薔薇露觸處聞香不炷香君不見同時素馨
與茉莉究竟帶些脂粉氣又不見錢塘欲語嬌花麤
枝大葉忒鉛華何如個樣隱君子色香不俗真有味根
苗在處傲炎涼敢與松柏爭雪霜淋桂萸蕚君雜處小

牖相對無相忘近時金子青詩云灼灼明珠渺渺波秋
聲一帶卷枯荷鏡中顏色經年改江上風霜昨夜多慣
見心情空宛在未開時節竟如何可憐木末寡其處大
半飄零是女蘿

考玉蘭辛夷木蘭三種其樹體枝葉全相類花式瓣
數大小亦相同惟顏色開候各別耳白者為玉蘭開
最早紫者為辛夷開時次之內白外紫者為木蘭開
取後亦有四季者特唐以前全呼為辛夷宋以後始
呼白者為玉蘭前人聚訟紛紛故附記之